



BADIY ASAR TAHLILI HAQIDA

Hasanova Malika G'ofir qizi,
O'zbekiston Milliy universiteti Filologiya va tillarni o'qitish fakulteti talabasi

Ilmiy rahbari – f.f.b.f.d. (PhD) U.Ametova

Annotatsiya. Mazkur maqolada badiy asar tahlili haqida ma'lumotlar, uning mazmun-mohiyati, badiy asar tahlilida aynan nimalarga, qaysi jihatlarga e'tibor berish zarurligi borasida fikr-mulohazalar bayon qilingan. Namunalar ko'rsatib o'tilgan.

Kalit so'zlar: badiy asar tahlili, adabiy tahvil, muallif, kitobxon, g'oya, sarlavha, lingvistik

ОБ АНАЛИЗЕ ХУДОЖЕСТВЕННОГО ПРОИЗВЕДЕНИЯ

Хасанова Малика Гофир кизи,
Студент факультета филологии и языкоznания Национального университета Узбекистана

Научный руководитель – Ф.ф.ф.д. (PhD) U.Ametova

Аннотация. В данной статье изложены сведения об анализе художественного произведения, его содержании, размышлениях о том, на что именно, на какие аспекты необходимо обратить внимание при анализе художественного произведения. Показаны образцы.

Ключевые слова: анализ художественного произведения, литературный анализ, автор, читатель, идея, название, лингвистический

ON THE ANALYSIS OF A WORK OF ART

Khasanova Malika Gofur khizi,
Student of the Faculty of Philology and Linguistics of the National University of Uzbekistan

Scientific supervisor -F.A.I.A.V. (PhD) U.Ametova

Annotation. This article provides information about the analysis of a work of art, its content, reflections on what exactly, what aspects should be paid attention to when analyzing a work of art. Samples are shown.

Keywords: analysis of a work of art, literary analysis, author, reader, idea, title, linguistic

KIRISH. Badiy adabiyot, badiy asarlar insonlarga juda kuchli ta'sir ko'rsata oladigan ilohiy bir kuchdir. U inson his tuyg'ularini va ongini tarbiyalashda ulkan rol o'ynaydi. Badiy asarlarning mualliflari bilan birlgilikda kitobxon hayotning turli tomonlari, xarakterlar va hodisalar mohiyatiga kirib boradi hamda o'zida ularga bo'lgan munosabatni shakllantiradi. Insonni o'ylashga, fikrlashga va kechayotgan voqealarni tahlil qilishga chorlaydi. Inson ruhiyatni tasvirlanar ekan, uni shakllantiruvchi, yuzaga chiqaruvchi asosiy vosita jamiyat, ijtimoiy muhit ekanligi ma'lum. O'smir shaxsi ijtimoiy munosabatlar mahsulidir, buning sababi, u doimo inson davrasida, ular bilan o'zaro ta'sir doirasida bo'ladi. Shunday ekan, uning hissiy va aqliy rivojlanishida ijtimoiy muhit katta o'rinn tutadi.

ADABIYOTLAR TAHLILI VA METODOLOGIYA

Badiy asar haqida gap ketganda, avvalo, uning badiy kommunikatsiya (badiy muloqot) vositasi ekanligiga to'xtalish joiz. Ma'lumki, muloqot paytidagina til hodisasi nutq hodisasisiga aylanadi. Adabiy badiy asar til vositalaridan tarkib topuvchi matn ekan, demak, u ham mohiyat e'tibori bilan nutq hodisasidir. Zero, adabiy badiy asar muloqot asosida dunyoga keladi, ya'ni, ijod jarayoni mohiyatan muloqotdir. Ayni shu muloqot – ijodiy jarayon asar matnida muhrlanadi[1]. Xuddi maktubga o'xshash, asarni o'qish jarayonida muloqot qaytadan jonlanadi, endi yozuvchi tasavvurdagi «suhbatdosh» mavqeida tursa, o'quvchi real suhbatdoshga aylanadi[2]. Ko'ramizki, badiy matn muddati kechiktirilgan badiy muloqot, badiy asar esa shu muloqotning amalga oshishini ta'minlovchi vosita ekan. Demak, ijodkor va o'quvchi orasidagi badiy muloqotni amalga oshirishga xizmat qilgani uchun ham badiy asar badiy muloqot vositasi deb tushuniladi.

MUHOKAMA

Ma'lumki, ko'pincha yozuvchi va shoirlarimiz asarni farzandga qiyos etadilar. Darhaqiqat, asarning dunyoga kelishini farzand tug'ilishiga qiyos etsa arzigulik. Shunga o'xshash, badiy asar ham ijodkor ongida yetiladi, payti kelgach qog'ozga tushiriladi va o'quvchiga yetkaziladi. Ya'ni, endi ijodkor ongida yetilgan asarning yaratilmasligi mumkin emas, ijod psixologiyasi shuni taqozo qiladi. Adabiyot tarixi buni ko'plab faktlar bilan tasdiqlaydi: ko'plab ijodkorlar yaratajak asari hayotida turli noxushliklar keltirib chiqarishi, hatto hayotiga xavf solishi mumkinligini bilgani holda ham uni yaratish fikridan qaytmaganlar.

Badiy asar – butunlik, bu butunlikdagi biror bir unsurni asar mazmun- mohiyatga putur yetkazmagan holda olib tashlash mumkin emas[4]. Sababi, badiy asarni tashkil qilayotgan unsurlarning barchasi bir-biri bilan mustahkam aloqada, ayni shu aloqalar asosida butunlik yuzaga keladi, ya'ni, badiy asar – qismlardan tashkil topayotgan butunlik, bir sistemadir.

NATIJA

Badiy asarlar tahlili odatda turli kishida turlicha taassurot qoldiradi va bu odamlarning turli ijod mahsullarga turlicha baho berishiga ham olib keladi. Badiy asar tahlilida bizga kerakli ma'lumotlar muallif biografiyasi, asar nomi, asar

mavzusi, asar g‘oyasi, asar sarlavhasi haqida fikr, ligivistik tahlili, asardagi milliy kalorit, asardagi tugun, kulminatsiya, yechim, natija, asardan olgan taassurot va maqulligi. Misol tariqasida Jorjiy Zaydonning “Farg‘ona kelini” asari tahliliga qarashimiz mumkin:

Muallif biografiyasi: Jorjiy Zaydon (1861-1914) arab yozuvchisi, adabiyot sohasidagina emas balki til falsafa, tarix, huquq, geografiya, jurnalistika sohalarida ijod etgan. Mashhur tarixiy romanlari: “G‘assonlik qiz”, “Horun ar-Rashidning singlisi”, “Farg‘ona kelini”

Asar nomi: “Farg‘ona kelini”; Janr: roman; ijodiy metod: realizm;

Asarning mavzuiy tasviri: tarixiy.

Asar mavzusi: asar qahramonlari Jahon va Zirg‘om o‘z muhabbatlari yo‘lida ko‘plab to‘siqlarga uchrasada, o‘z muhabbatlari uchun kurashadilar. Zirg‘om o‘z sevgisi Jahonga yetishish uchun ko‘plab sarguzashtlarni boshidan kechiradi.

Asar g‘oyasi: Jorjiy Zaydon bu romanda IX asrda arab xalifaligida, xususan Movarounnaharda o‘tgan voqealarga asoslangan holda yozgan.

Asar sarlavhasi haqida fikr: asar sarlavhasi judaham to‘g‘ri tanlangan, bu yozuvchining yuksak mahoratini ko‘rsatib bera olgan.

Asarning lingistik tahlili: Frazeologizmlar: ko‘ngliga qo‘l solib ko‘rmoqchi, quyub qo‘ygandek o‘zi, issiqning hovrini ko‘taradi; Toponimlar va joy nomlari: Farg‘ona, Qo‘qon, Toshkent daryosi, Eron, Bag‘dod, Arbadil, Tabariston, Turkiston, cho‘llar; Kasb hunarga oid so‘zlar: dehqon, hokim, xizmatchi, cho‘ponlar, lashkarboshchi, askarlar, kohin.

Asardagi milliy kalorit: hamma Navro‘z bayramiga tayyorgarlik ko‘riishlar, hovlilarni tozalash, mehmonlar uchun nozu-ne‘matlar, ovqat pishirishlar, odamlar bolalariga sovg‘a olishlari.

Asardagi tugun: Hokim Zirg‘omning onasiga ishonmay saroyiga chaqiradi va uni sinash uchun amaldorlaridan biriga eriga bermoqchiligidini aytadi, Zirg‘omning onasi esa buni rad etadb yolg‘iz o‘g‘limni o‘zim boqaman deb javob beradi, hokim ularga saroyidan joy beradi, yillar o‘tgach Zirg‘om va hokimning qizi Jahon bir biriga oshiq bo‘lishadi.

Asar kulminatsiyasi: Jahon va Zirg‘omning uzoq ayriliqdan so‘ng tasodifiy uchrashib qolishi. Ko‘plab qiyinchilik va ayrliliqlardan so‘ng ikki sevishgan birga bo‘lishi.

XULOSA

Xulosa o‘rnida shuni ta’kidlash lozimki, badiiy adabiyotning inson hayotida ahamiyati juda yuqori. Inson ardoqlab keladigan eng noyob hislar insonparvarlik, adolat, shafqat, o‘zaro hamjihatlik, do‘slik, mehr va muruvvat, sevgi-muhhabat singari o‘lmas insoniy tuyg‘ular kishi ongida, shuurida, ruhiyatida mujassamlashadi va bu hislar adabiyotga oshno insonlar qalbiga ko‘chib o‘tadi. Tuyg‘ular esa faqat aql orqali emas, balki ko‘ngil orqali seziladi, ta’sir o‘tkazadi. Shunday ekan, badiiy asarlar badiiy adabiyotning muhim ajralmas tarkibiy qismi bo‘lib qolaveradi. Tahsilil orqali asar muallifi aytmoqchi bo‘lganlarini anglash eng muhim masaladir. Bunday tahlillar o‘quvchiga mutolaa uchun yo‘nalish beradi, zarar asarlarni topib o‘qish va tushunishga yordam beradi.

FOYDALANILGAN ADABIYOTLAR:

1. Umurov H. Badiiy ijod asoslari. –T.: O‘zbekiston, 2001.
2. Quronov D., Usmonov H. Ideal va badiiy yaxlitlik//Tafakkur.-1996.-№4.- B.36-41
3. Шайхисламов, н. (2021). Замонавий тилшунослик йўналиши: контакт лингвистикаси. Scientific progress, 1(4).
4. Jo‘rjiy Zaydon Farg‘ona kelini (roman). 2021
5. Umurov. H. Adabiyot qoidalari. Toshkent: O‘qituvchi. 2002. B. 5-8
6. Quronov D. Adabiyotshunoslikka kirish: Oliy o‘quv yurtlari uchun darslik. –T.: A.Qodiriy nomidagi xalq merosi nashr, 2004 y. 224-b.